




Broj: 11-05-38-32838-5/14
Sarajevo: 18.09.2014. godine



Na osnovu čl. 24. i 27. Zakona o visokom obrazovanju („Službene novine Kantona Sarajevo“, broj: 42/13 – Prečišćeni tekst) i člana 15. Pravilnika o akreditaciji visokoškolskih ustanova i studijskih programa („Službene novine Kantona Sarajevo“, broj: 26/13), ministar za obrazovanje, nauku i mlade Kantona Sarajevo donosi

RJEŠENJE **O INSTITUCIONALNOJ AKREDITACIJI UNIVERZITETA U SARAJEVU**

I

Visokoškolskoj ustanovi kao javnoj ustanovi Univerzitet u Sarajevu dodjeljuje se institucionalna akreditacija.

II

Rješenje o institucionalnoj akreditaciji izdaje se na period od pet godina.

III

Obavezuje se Univerzitet u Sarajevu da najkasnije šest mjeseci prije isteka roka iz tačke II. ovog rješenja podnese zahtjev za reakreditaciju.

IV

Rok iz tačke II. ovog rješenja počinje da se računa od dana pravosnažnosti rješenja.


Obrazloženje

Visokoškolska ustanova kao javna ustanova Univerzitet u Sarajevu podnio je Ministarstvu za obrazovanje, nauku i mlade Kantona Sarajevo zahtjev broj: 0101-38-4115/13 od 26.12.2013. godine za institucionalnu akreditaciju. Podneseni zahtjev Ministarstvo za obrazovanje, nauku i mlade Kantona Sarajevo je zaprimilo dana 27.12.2014. godine i isti je zaveden pod brojem: 11-05-38-32832.

Aktom broj: 11-05-38-32838/13 od 24.04.2014. godine, Ministarstvo za obrazovanje, nauku i mlade Kantona Sarajevo je zaprimljeni zahtjev dostavilo Agenciji za razvoj visokog obrazovanja i osiguranje kvaliteta BiH sa prijedlogom za imenovanje članova Komisije stručnjaka na osnovu kojeg je Agencija donijela Rješenje o imenovanju Komisije stručnjaka, broj: 05-33-1-370-2/14 od 22.05.2014. godine kao i rješenje broj: 05-33-1-370-3/14 od 05.06.2014. godine.

Na osnovu Izvještaja i Mišljenja Komisije stručnjaka da visokoškolska ustanova kao javna ustanova Univerzitet u Sarajevu ispunjava propisane uslove za akreditaciju, Agencija za razvoj visokog obrazovanja i osiguranje kvaliteta BiH donijela je Preporuku o akreditaciji broj: 05-33-1-370-5/14 od 15.09.2014. godine i istu dostavila na daljnje postupanje Ministarstvu za obrazovanje, nauku i mlade Kantona Sarajevo.






Anlizirajući izvještaj i mišljenje Komisije stručnjaka, kao i preporuku Agencije za razvoj visokog obrazovanja i osiguranje kvaliteta BiH, Ministarstvo za obrazovanje, nauku i mlade Kantona Sarajevo je cijenilo da su ispunjeni svi propisani uslovi za izdavanje institucionalne akreditacije podnositelju zahtjeva, te je donijelo odluku kao u dispozitivu.

Po jedan primjerak ovog rješenja dostavlja se Univerzitetu u Sarajevu i Agenciji za razvoj visokog obrazovanja i osiguranje kvaliteta BiH u cilju preduzimanja radnji i mjera propisanih Okvornim zakonom o visokom obrazovanju BiH i Zakonom o visokom obrazovanju Kantona Sarajevo.

Pravna pouka: Protiv ovog rješenja može se izjaviti žalba u roku od 15 dana od dana prijema rješenja. Žalba se izjavljuje Agenciji za razvoj visokog obrazovanja i osiguranje kvaliteta Bosne i Hercegovine, a podnosi se putem Ministarstva za obrazovanje, nauku i mlade Kantona Sarajevo.



Dostaviti:

- Univerzitet u Sarajevu, Obala Kulina bana br. 7.,
- Agencija za razvoj visokog obrazovanja i osiguranje kvaliteta BiH, Banja Luka, Stepe Stepanovića br. 11;
- Ministarstvo za obrazovanje, nauku i mlade Kantona Sarajevo;
- a/a.

